

KA REPORT JONG KA STUDY TOUR HA SHNONGPDENG NA KA KHASI DEPARTMENT (2017)

Haka 17 tarik ngi lah ia mih na College haka por 8 baje mynstep ryngkat ka jing iasyran lang ki nonghikai. Shwa ban ngin mih ngi la ioh ban pynlong jingduwai shwa khnang ba ka jingleit kan long ka ba seisoh bad kan nym don kano kano ka jingwit lane ka jingsngewsih ha lynti syngkieng. Ha ka jingiaid lynti ban poi sha kane jaka ngi la iohi ruh ia ka jingkhuid bad suba jong kane ka thain ka jingdon jong ki dieng ki siej kum ki dieng kwai bad ki tympew ki ba pur ha u dieng ki dang pynitynnad shuh shuh ka long ruh ka jaka ka ba seisoh ha ka liang ka rep ka riang.

Haba ngi la poi ha kane ka shnong ka ba kyrteng ka Shnongpdeng ha ka por 12 baje mynsngi, ka ba don ha ka thain Dawki West Jaintia Hill District kaba shim por 3 kynta na Shillong ban poi ha kane ka shnong. Kane ka shnong ka long ka ba itynnad shisha kaba u Blei u la kyrkhu kyrpang. Ka long ka shnong kaba seisoh bha ha kaba iarep Kwai bad Tympew. Harud jong kane ka shnong la don kawei ka wah kaba tuid lyngba jong ka kaba kyrteng ka wah Umngot kaba pawnam tam ha ri Khasi lyngba ka jingsngur bad ka jingkhuid jong kane ka wah kala pyllong iaki nongjingoh kai ban wan na kylleng ka ri Khasi lane Ri India bad wat na kylleng ka pyrthei ruh. Haba ngi wat jingtip shaphang kane ka shnong ngi lap baka don kumba 130 ki iing ha kane ka shnong.

Haba ngi-peit ia kane ka shnong ngi iohi bad ngi shem ba ka long kaba kiew bha haka liang ki kam jngoh kai pyrthei namar ngi iohi ba bun ki briew na kylleng ki jaka ki wan ban mad iaka lyer pyngngad jong kane ka shnong. Haba ngi kylli na ki nongshong shnong shaphang ka jingwan jong ki briew, Ki iathuh ba wat ki Phareng ruh na kylleng ka ri kum na Germany, France, Russia bad kiwei kiwei de ki ju wan sha kane ka jaka. Ngi iohi ruh ia ki iingbasa (Home Stay), ki iingjain (Tent) baki la buh bad shna kyrpang naka bynta kito ki briew kiba kwah ban sah miet ha kane ka jaka.

Haba ngi phai ha ka liang ka jingkhuid jingsuba ngi shem ba kane ka shnong ka long kaba khuid shisha haduh katta katta. Ka long ruh kaba itynnad haba ngi phai sawdong saw kun ngi iohi ia ki dieng ki siej, Khamtam u dieng Kwai u ba kynrei bha ha kane ka jaka. Katno ka long kaba I thiang I shngiam ban peit ia kane ka jaka bad khamtam iaka um ka long kaba sngur bad kaba khuid bha kaba ihun ban peit. Ka don ruh kawei ka jingkieng ia id kjat kaba itynnad ha jrong jong kane ka wah kaba dei ka jaka ia id ban poi sha shiliang jong kane ka wah. Ki briew jong kane ka shnong ki iohi ruh ka jingmyntoi na kane ka wah da kaba ki kamai da kilieng ban pyni ia ka sawdong sawkun jong ka ia ki nongjgnoh kai pyrthei bad ki im ruh ha khwai dohkha.

Haba ngi phai ha ka liang ka pule puthi ki briew jong kane ka shnong ki long kiba la nang la stad haba kaba bun ki kynnah ki leit skul. Haba phai sha ka jingdon jong ki skul kala don kumba Saw tylli ki skul ha kane ka shong katta ka wei ka "Lower Primary School" bad Lai tylli ki "Upper Primary School" bad kala don ruh ka Wei ka "English Medium School".

Kum ki samla pule ngi la iohi bun ka jingmyntoi ban poi ha kane shnong da kaba ngi iohi ban sakhi dala ki jong ki khmat iaka jingitynnad bad khuid jong kane ka shnong. Ka la long ka jingioh jingmyntoi shibun ia ngi ki kynnah pule ban ngin iohi ban wan jngoh kai kaba lah ruh ban iarap ia ngi

ban tip baka jaitbynriew jong ngi ka long shisha ka jaitbynriew kaba u Blei u la kyrkhu kyrpang kaba don ha ka ia ka nam bad ka burom. Kum ki khynnah pule ngi sngew ban ai khublei ia I Principal I bala ai jingbit lane shah ia ngi ha kum kine ki leit jngoh kai ban nang pyiar shuh shuh ia ki jingmut jingpyrkhat jong ngi kum ki kynnah pule. Ngi sngew ban ai khublei ruh ia I Head Department jong ngi ruh I ba la ai jingbit bad synran lang ban pynshngian ia ngi. Kumjuh ruh ngi sngew ban ai khublei ia ki nonghikai jong ngi baroh kaba la ia wan ban synran lang ia ngi. Kala long shisha ka sngi ba seisoh ,ngi kyrmen ba nangne shakhmat ngin dang iai ioh shuh ki lad bad khamtam ban ioh leit shabar state.